



O`ZBEKISTON RESPUBLIKASI VAZIRLAR MAHKAMASINING QARORI

20 **24** yil « **28** » **oktabr**

№ **712**

Toshkent sh.

Маҳаллий ишлаб чиқарилган товарларни аниқлаш тартиби тўғрисидаги низомни тасдиқлаш ҳақида

Саноат маҳсулотларини ишлаб чиқаришда кооперация алоқаларини мустаҳкамлаш, маҳаллий ишлаб чиқарилган маҳсулотларни аниқлаш ҳамда улар бўйича ахборот олиш тартибини такомиллаштириш орқали давлат харидларида маҳаллий ишлаб чиқарувчилар иштирокини янада кенгайтириш мақсадида Вазирлар Маҳкамаси **қарор қилади:**

1. Қуйидагиларни назарда тутувчи **Маҳаллий ишлаб чиқарилган товарларни аниқлаш тартиби тўғрисидаги низом** (кейинги ўринларда – низом) 1-иловага мувофиқ тасдиқлансин:

ариза бериш тартибида маҳаллий ишлаб чиқарилган товарларни аниқлаш;

товарларнинг маҳаллий корхоналар томонидан ишлаб чиқарилганлигини аниқлаш бўйича экспертизадан ўтказиш;

маҳаллий ишлаб чиқарилган товар тўғрисидаги сертификатни расмийлаштириш;

товарларни маҳаллий корхоналар томонидан ишлаб чиқарилганлигини аниқлаш тизими ҳаққонийлигини таъминлашда жамоатчилик назоратини ўрнатиш;

маҳаллий маҳсулотлар ва ишлаб чиқарувчилар реестрини юритиш тартиби.

2. Электрон кооперация портали ҳамда давлат харидлари электрон тизимлари операторларининг “Миллий дўкон” саҳифаларида маҳаллий ишлаб чиқарилган товар тўғрисидаги сертификат асосида маҳсулотларни жойлаштириш ва савдоларда фақат ушбу сертификатга эга тадбиркорлик субъектларининг иштирок этишини босқичма-босқич амалга ошириш муддатлари 2-иловага мувофиқ белгилансин.

3. Ўзбекистон Республикаси Савдо-саноат палатаси Иқтисодиёт ва молия вазирлиги, Инвестициялар, саноат ва савдо вазирлиги, Адлия вазирлиги, Рақамли технологиялар вазирлиги, Солиқ қўмитаси, Статистика агентлиги, Ўзбекистон техник жиҳатдан тартибга солиш агентлиги, “Ўзбекэкспертиза” акциядорлик жамияти ҳамда тегишли манфаатдор вазирлик ва идоралар билан биргаликда **уч ой муддатда:**

маҳаллий ишлаб чиқарувчиларнинг реестри, улар томонидан ишлаб чиқарилган товарлар ва хомашё, материаллар тўғрисидаги маълумотларни юритиш бўйича интеграциялашган дастурий таъминот ишлаб чиқиши ва ишга туширилишини;

интеграциялашган дастурий таъминотни манфаатдор вазирлик ва идораларнинг ахборот тизимлари, шу жумладан, давлат харидлари бўйича махсус ахборот портали ҳамда электрон кооперация портали билан ўзаро интеграция қилинишини таъминласин.

4. Ўзбекистон Республикаси Савдо-саноат палатаси тармоқ уюшмалари билан биргаликда:

тадбиркорларнинг маҳаллий ишлаб чиқарилган товар тўғрисидаги сертификатни олиш учун аризалари ва ишлаб чиқариш жараёнларини кўриб чиқиш жараёнларида тадбиркорлик субъектларига кўмаклашиш ва уларнинг манфаатлари ҳимоя қилинишини;

Маҳаллий ишлаб чиқарилган товарларни аниқлаш тартиби тўғрисидаги низомни амалиётда қўллаш натижасида тадбиркорлик субъектларидан келиб тушадиган таклифлар асосида мазкур Низомни такомиллаштириб бориш тўғрисида таклифлар киритиб борилишини таъминласин.

5. Вазирлар Маҳкамасининг “Инвестициялар ва ташқи савдо вазирлиги ҳузуридаги Рақамли трансформация марказининг электрон кооперация порталида ахборотни жойлаштириш ва харидларини амалга ошириш тартибини тасдиқлаш тўғрисида” 2019 йил 30 сентябрдаги 833-сон қарорига 3-иловага мувофиқ ўзгартиришлар киритилсин.

6. Манфаатдор вазирликлар ва идоралар ўзлари қабул қилган норматив-ҳуқуқий ҳужжатларни **бир ой муддатда** ушбу қарорга мувофиқлаштирсин.

7. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Ж.А.Ходжаев зиммасига юклансин.

Ўзбекистон Республикасининг
Бош вазири



А. Арипов

**Маҳаллий ишлаб чиқарилган товарларни аниқлаш
тартиби тўғрисида
НИЗОМ**

1-боб. Асосий қоидалар

1. Ушбу Низом Ўзбекистон Республикасида ариза бериш тартибида маҳаллий ишлаб чиқарилган товарларни аниқлаш тартибини белгилайди.

2. Мазкур Низомда қуйидаги асосий тушунчалардан фойдаланилади:

ариза берувчи – маҳаллий ишлаб чиқарилган товарларга сертификат олиш учун ишлаб чиқариш фаолияти билан шуғулланувчи ва ихтиёрий равишда мурожаат этувчи тадбиркорлик субъекти;

ваколатли орган – “Ўзбекэкспертиза” акциядорлик жамияти;

ишлаб чиқаришни экспертиза қилиш – эксперт томонидан ариза берувчининг ишлаб чиқаришини мазкур Низомда белгиланган тартибда ўрганиб чиқиш;

маҳаллий ишлаб чиқарилган товарни сертификатлаштириш (кейинги ўринларда – сертификатлаштириш) – Ўзбекистон Республикасида товарларнинг маҳаллий корхоналар томонидан ишлаб чиқарилганлигини аниқлаш мақсадида экспертиза ўтказиш жараёни;

маҳаллий ишлаб чиқарилган товар тўғрисидаги сертификат (кейинги ўринларда – сертификат) – товарларни маҳаллий корхона томонидан ишлаб чиқарилганлигини тасдиқловчи ҳужжат (шу жумладан, электрон шаклдаги ҳужжат);

Маҳаллий маҳсулотлар ва ишлаб чиқарувчилар реестри – маҳаллий ишлаб чиқарилган товар тўғрисидаги сертификатга эга маҳаллий корхоналар ва улар томонидан ишлаб чиқарилган маҳсулотлар рўйхати;

товар – маҳаллий корхоналар томонидан ишлаб чиқарилган ҳар қандай мол-мулк;

товар тури – Ташқи иқтисодий фаолият товар номенклатураси (кейинги ўринларда – ТИФ ТН) коди 10 хонали даражада бир хил бўлган товарлар;

эксперт – ваколатли органнинг зиммасига экспертиза ўтказиш, экспертиза далолатномаси ёки эксперт хулосаси ва сертификатни расмийлаштириш функцияси юкланган вакили;

Ягона электрон ахборот тизими (ЯЭАТ) – аризаларни юбориш, уларни қабул қилиш ва кўриб чиқиш жараёнларининг барча босқичларини қамраб олган ваколатли органнинг электрон ахборот тизими;

ўхшаш товарлар – функционал мақсади, қўлланилиши, сифати ва техник хусусиятлари бўйича таққосланадиган, ТИФ ТН дастлабки 4 та рақами бир хил бўлган товарлар.

3. Сертификат ваколатли орган томонидан товарнинг маҳаллий корхоналар томонидан ишлаб чиқарилганлигини тасдиқлаш мақсадида расмийлаштирилади ва қонунчилик ҳужжатларида белгиланган тартибда фойдаланилади.

4. Товарнинг маҳаллий корхоналар томонидан ишлаб чиқарилганлигини аниқлаш мақсадида мазкур Низомга 1-иловага мувофиқ схема бўйича экспертиза ўтказилади ва сертификат берилади.

2-боб. Товарларни маҳаллий корхоналар томонидан ишлаб чиқарилганлигини аниқлаш қоидалари

5. Қуйидагилар тўғридан-тўғри Ўзбекистон Республикаси ҳудудида ишлаб чиқарилган маҳаллий товар деб эътироф этилади:

мамлакат ҳудудида ўстирилган ёки маълум ҳуқуқлар асосида йиғиб олинган ўсимлик маҳсулотлари;

мамлакат ҳудудида туғилган ва парвариш қилинган тирик ҳайвонлар;

мамлакат ҳудудида етиштирилган ўсимлик маҳсулотлари ва ҳайвонлардан олинган маҳсулот;

мамлакатда тайёрланган овчилик, балиқчилик ва денгиз ови маҳсулоти; айнан юқорида кўрсатилган маҳсулотлардан тайёрланган товарлар.

6. Мазкур Низомнинг 5-бандида кўрсатилган товарлар билан бирга қуйидаги талаблардан бирига жавоб берган товарлар маҳаллий корхоналар томонидан ишлаб чиқарилган деб тан олинади:

а) ишлаб чиқаришда фойдаланилган импорт материаллари қийматининг фоизлардаги улуши товар таннархида 70 фоиздан ошмаганда (маҳаллийлаштириш даражаси 30 фоиздан кам бўлмаганда).

Бунда маҳаллийлаштириш даражаси қуйидаги формула билан ҳисобланади:

$MД = (1 - ИМ/МТ) * 100\%$, бунда $0 < ИМ < МТ$;

МД – маҳаллийлаштириш даражаси;

МТ – маҳсулотнинг ишлаб чиқариш таннархи;

ИМ – импорт бўладиган хом ашё, материал ва бутловчи қисмларнинг хорижий валютадаги қиймати (божхона тўловларини ҳисобга олган ҳолда) сўмда ифодаланган;

б) товар ишлаб чиқаришда фойдаланилган импорт хом ашё ва материалларни технологик жараёнлар орқали қайта ишлаш натижасида уларнинг ТИФ ТН бўйича дастлабки тўртта коднинг исталган бири даражасида ўзгариши содир бўлганда. Бунда ТИФ ТН бўйича дастлабки тўртта коди товар коди билан бир хил бўлган импорт материалларнинг иштирок этишига уларнинг фоизлардаги қиймати товар таннархида 5 фоиздан ошмаган ҳолларда рухсат этилади.

7. Импорт қилинган хомашёлар маҳаллий етказиб берувчилардан сотиб олинганда маҳаллий хомашё сифатида кўрсатилмайди. Ишлаб чиқаришда фойдаланилган, келиб чиқиши номаълум бўлган хомашё материаллар ва бутловчилар хорижий материаллар (импорт) деб ҳисобланади.

8. Маҳаллий товарларни аниқлашда қийматли кўрсаткичлар товар ишлаб чиқариш учун сарфланган материал ва хомашёларнинг корхонага кириш қилинган ҳужжатлари асосида ҳисобланади.

9. Қуйидаги ҳолларда ушбу Низомнинг 6-бандда кўрсатилган талаблар бажарилишидан қатъи назар, товарлар маҳаллий корхоналар томонидан ишлаб чиқарилган деб эътироф этилмайди:

сақлаш ёки транспортда ташиш вақтида товарларнинг сақланишини таъминлаш бўйича операциялар;

товарларни сотиш ва транспортда ташишга тайёрлаш бўйича операциялар (товар туркумини майдалаш, товарларни жўнатишни ташкил қилиш, саралаш, қайтадан ўраш);

махсус билим, кўникмалар ёки махсус дастгоҳ, асбоб-ускуналар талаб қилинмайдиган оддий йиғув операциялари;

товарларни (таркибий қисмларни) аралаштириб ҳосил қилинган маҳсулотга унга дастлабки таркибидан жиддий фарқланадиган хусусиятларни бермаслик;

юқорида кўрсатилган операцияларнинг иккитаси ёки ундан ортигини бир вақтда амалга ошириш;

чорва молларини сўйиш.

10. Маҳаллий ишлаб чиқарилган товарларни аниқлашда, уларни ишлаб чиқариш учун фойдаланиладиган иссиқлик ва электр энергияси, машиналар ва асбоб-ускуналарнинг келиб чиқиши инобатга олинмайди.

3-боб. Ўзбекистон Республикасида товарларнинг маҳаллий корхоналар томонидан ишлаб чиқарилганлигини аниқлаш бўйича экспертиза ўтказиш тартиби

11. Товарнинг маҳаллий корхоналар томонидан ишлаб чиқарилганлигини аниқлаш мақсадида ариза берувчи экспертиза ўтказиш ва сертификат олиш учун ишлаб чиқариш манзили бўйича жойлашган ваколатли органга ЯЭАТ орқали мазкур Низомга 2-иловага мувофиқ шаклда электрон ариза тақдим этади.

Аризага қуйидаги ҳужжатлар илова қилинади:

ишлаб чиқаришда фойдаланилган хомашё ва материалларнинг (шу жумладан, қисмларнинг) Ўзбекистон Республикасида ишлаб чиқарилганлигини тасдиқловчи ҳужжатлар (ишлаб чиқариш жараёни техник жиҳатдан тартибга солиш соҳасидаги норматив ҳужжатлар талабларига мувофиқ сертификатланганлигини тасдиқловчи ҳужжатлар ёки хомашё

ва материалларнинг ишлаб чиқарувчиси номидан ишлаб чиқаришнинг технологик жараёнлари ҳақида маълумот ёхуд тегишли тармоқлар номидан ишлаб чиқариш мавжудлигини тасдиқловчи маълумот);

корхонанинг ўзининг ёки ижарага олинган ишлаб чиқариш майдонлари, асбоб-ускуналари ҳақидаги охириги ҳисобот даврига корхона баланс ҳисоботида акс эттирилган маълумотлар, шунингдек, ишлаб чиқаришда фойдаланиладиган хомашё ва бутловчи қисмларни сотиб олиш бўйича шартнома ва ҳисобварақ-фактуралар;

ишлаб чиқаришда мавжуд ходимлар тўғрисидаги маълумотлар;

ишлаб чиқаришда импорт қилинган хомашё материаллар, бутловчи ва эҳтиёт қисмлар, божхона юк декларациялари тўғрисидаги маълумотлар.

12. Мазкур Низомнинг 11-банди тўртинчи-олтинчи хатбошларида кўрсатилган ҳужжатларни идоралараро электрон ахборот алмашинуви орқали вазирлик ва идоралардан тўғридан-тўғри олиш имконияти мавжуд бўлганда, ушбу ҳужжатларни аризага илова қилган ҳолда ваколатли органга тақдим этиш талаб этилмайди.

Мазкур Низом талаблари асосида вазирлик ва идоралардан тегишли маълумотларни олиш учун “Ўзбекэкспертиза” акциядорлик жамияти “Электрон ҳукумат” тизимининг Идоралараро интеграциялашув платформасига уланади.

13. Товарларни ишлаб чиқаришда фойдаланилган хомашё ва бутловчи қисмларнинг Ўзбекистон Республикасида ишлаб чиқарилганлигини тасдиқловчи ҳужжатлар тақдим этилмаган ҳамда тасдиқланмаган ҳолларда, ишлаб чиқаришда фойдаланилган хомашё ва материаллар келиб чиқиши номаълум товар сифатида баҳоланади.

Бунда, хом ашё ва материалларга (жумладан, қисмларга) нисбатан фақатгина мазкур Низомнинг 9-бандида кўрсатилган операциялар бажарилганлиги аниқланган ҳолларда, мазкур хомашё ва материаллар Ўзбекистон Республикасида ишлаб чиқарилган деб этироф этилади.

14. Ваколатли орган томонидан мазкур Низомнинг 11-бандида кўрсатилмаган ҳужжатларни сўраб олиш тақиқланади.

15. Мазкур Низомнинг 2-иловага мувофиқ электрон аризада маълумотлар тўлиқ ҳажмда кўрсатилмаган ҳамда 11-бандида кўрсатилган ҳужжатлар тўлиқ тақдим этилмаган ҳолларда, ариза кўриб чиқилмайди ва **бир иш куни** мобайнида камчиликларни батафсил кўрсатган ҳолда рад жавоби берилади. Кўрсатилган камчиликлар бартараф этилгандан сўнг аризани қайта топшириш мумкин.

Қайта топширилган аризани аввал кўрсатилмаган камчиликлар билан қайтарилишига йўл қўйилмайди.

16. Ушбу Низомда назарда тутилган тартибда ариза қабул қилинган санадан бошлаб **беш иш куни** мобайнида Ўзбекистон Республикасида маҳаллий ишлаб чиқарилган товарни аниқлаш бўйича экспертиза ўтказилади

ва натижасига кўра эксперт хулосаси ёки экспертиза далолатномаси тузилади ҳамда сертификат расмийлаштирилади.

17. Ишлаб чиқаришни экспертиза қилиш тақдим қилинган ҳужжатларни ва товарни ишлаб чиқариш жараёнини ўрганишдан бошланади.

Эксперт қуйидагилар билан танишиб чиқиши ва ўрганиши керак:

мазкур Низомнинг 11-бандида кўрсатилган ҳужжатларни;

товарни ишлаб чиқариш учун объектив шароитларни (белгиланган тартибда рўйхатдан ўтказилган фармацевтика маҳсулотлари ва тиббий буюмлар, патентга эга инновацион маҳсулотлар бўйича ҳамда барқарорлик рейтингида “AAA”, “AA” ва “A” тоифаларига мансуб бўлган тадбиркорлар муурожаат қилган ҳоллар бундан мустасно).

18. Товарни ишлаб чиқариш учун объектив шароитлар бевосита жойига чиққан ҳолда, ишлаб чиқариш жараёнларини кўздан кечириш ёки онлайн ёхуд тақдим қилинган видеоёзувлар орқали ўрганиш мумкин. Бунда ишлаб чиқариш жараёни техник жиҳатдан тартибга солиш соҳасидаги норматив ҳужжатлар талабларига мувофиқ сертификатланган, лицензияланадиган фаолият тури бўлган тақдирда, ушбу фаолият учун талаб қилинган лицензия мавжуд бўлган товарлар бўйича онлайн ёки видеоёзувлар орқали ўрганишга рухсат этилади.

19. Экспертиза натижасида товарнинг Ўзбекистон Республикаси маҳаллий корхоналари томонидан ишлаб чиқарилганлиги аниқланса, мазкур Низомга 3-иловага мувофиқ шаклда экспертиза далолатномаси расмийлаштирилади.

20. Экспертиза далолатномаси техник хусусиятлари ва моделдан қатъий назар товар турига ҳар бир товарнинг маҳаллийлаштириш даражаси ва корхонанинг бир йиллик ишлаб чиқариш қуввати миқдори кўрсатилган ҳолда расмийлаштирилади.

Бунда бир технологик жараён ва ускуналарда бир нечта турдаги товарлар ишлаб чиқариш имконияти мавжуд бўлганда, ушбу технологик жараён ва ускуналарнинг бир йиллик умумий ишлаб чиқариш қуввати миқдори кўрсатилади.

21. Экспертиза ўтказишда бир товар тури доирасида:

техник хусусиятлари ва маҳаллийлаштириш даражаси кўрсаткичлари бўйича фарқ қиладиган товарлар;

турли моделдаги ва маҳаллийлаштириш даражаси кўрсаткичлари бўйича фарқ қиладиган товарлар аниқланган ҳолларда, ҳар бирининг техник хусусиятлари, модели ва маҳаллийлаштириш даражаси кўрсатилган ҳолда алоҳида экспертиза далолатномаси расмийлаштирилади.

Бунда товарларни мазкур бандда кўрсатилмаган бошқа белгилари (мисол учун ўлчами, ранги) бўйича таснифлашга ва шу асосда алоҳида экспертиза далолатномасини расмийлаштиришга йўл қўйилмайди.

22. Экспертиза далолатномасида тақдим этилган ҳужжатлар тўғрисидаги маълумотлар ва ўрганиш натижалари кўрсатилган бўлиши ҳамда товар ишлаб чиқарувчисини аниқлашнинг аниқ асоси келтирилиши лозим.

23. Экспертиза далолатномаси бир нусхада расмийлаштирилиб, ваколатли органда сақланади.

24. Экспертиза натижасида товарнинг Ўзбекистон Республикаси маҳаллий корхоналари томонидан ишлаб чиқарилганлиги тасдиқланмаган ва юқоридаги мезонлар талабларига риоя қилинмаганлиги аниқланган ҳолларда, ариза берувчи томонидан тақдим этилган товар Ўзбекистон Республикаси маҳаллий корхоналари томонидан ишлаб чиқарилган товар сифатида таснифлана олмаслиги тўғрисида сабаблари кўрсатилган ҳолда, мазкур Низомга 4-иловага мувофиқ шаклда эксперт хулосаси берилади ва QR код кўрсатилган ҳолда ЯЭАТ орқали тадбиркорга тақдим этилади.

4-боб. Сертификатни расмийлаштириш

25. Сертификат экспертиза далолатномаси асосида мазкур Низомга 5-иловага мувофиқ шаклда товар турига расмийлаштирилади.

26. Ҳар бир сертификат уни идентификация қилиш мумкин бўлган одатий тартиб рақамига ва QR кодга эга бўлиши керак.

27. Сертификатнинг амал қилиш муддати расмийлаштирилган кундан бошлаб 24 ойни ташкил этади.

28. Аввал берилган сертификатни қайта расмийлаштириш зарурати туғилганда, ариза берувчи мурожаати асосида аввал берилган сертификат амал қилиш муддати давомида унга тегишли ўзгартириш ва қўшимчалар киритиш, жумладан, ишлаб чиқариш қувватларининг ошиши натижасида сертификатни қайта расмийлаштириш мумкин. Бунда аввал берилган сертификатнинг рақами ва санаси, амал қилиш муддати сақланиб қолган ҳолда қайта расмийлаштириш санаси кўрсатилади.

Сертификатнинг амал қилиш муддати тугагандан сўнг, агар ариза берувчи сертификат олиш учун қайта мурожаат қилган ҳамда мазкур Низомнинг 11-бандига мувофиқ ҳужжатларда ўзгариш бўлмаган тақдирда, кейинги сертификат содалаштирилган тартибда аввал тақдим этилган ҳужжатлар талаб этилмаган ҳолда берилади.

5-боб. Маҳаллий ишлаб чиқарилган товарни сертификатлаш учун тўлов

29. Маҳаллий ишлаб чиқарилган товарларни аниқлаш юзасидан экспертиза ўтказиш билан боғлиқ харажатлар ариза берувчи томонидан қопланади.

30. Маҳаллий ишлаб чиқарилган товар бўйича экспертиза ўтказиш, шу жумладан, маҳаллий ишлаб чиқарилган товар тўғрисидаги сертификат ёки эксперт хулосасини расмийлаштириш учун ариза берувчи томонидан ваколатли органга БХМнинг уч баравари миқдорида (ҚҚСни ҳисобга олмаганда) тўлов тўланади.

Бир товар тури ёки ўхшаш товарлар доирасида биттадан ортиқ экспертиза далолатномаси ва сертификатлар расмийлаштирилган ҳолларда, кейинги экспертиза далолатномалари ва сертификатлар учун БХМнинг 0,1 баравари миқдорида (ҚҚСни ҳисобга олмаганда) тўлов тўланади.

31. Аввал берилган сертификат 28-бандга асосан қайта расмийлаштирилган ҳамда ҳужжатлардаги камчиликлар тўлдирилиб, икки ҳафта ичида қайта топширилган ҳолларда, БХМнинг бир баравари миқдорида (ҚҚСни ҳисобга олмаганда) тўлов тўланади.

6-боб. Маҳаллий маҳсулотлар реестрини юритиш тартиби

32. Ваколатли орган берилган сертификатларнинг маълумотлар базасини ўз ичига олган электрон тизим яратади ва у асосида сертификатга эга бўлган маҳаллий маҳсулотлар ва ишлаб чиқарувчилар реестрини юритади. Маҳаллий маҳсулотлар ва ишлаб чиқарувчилар реестри маълумотлари электрон маълумотлар алмашинуви орқали манфаатдор вазирлик ва идораларнинг ахборот тизимларига юборилади.

33. Ушбу Низомга асосан аниқланган маҳаллий маҳсулотлар ва ишлаб чиқарувчилар реестри маълумотлари давлат харидлари бўйича махсус ахборот порталида, Электрон кооперация порталида ҳамда Савдо-саноат палатасининг расмий веб-сайтида эълон қилиб борилади.

7-боб. Яқунловчи қоидалар

34. Эксперт ишлаб чиқаришни экспертиза қилиш жараёнида мазкур ташкилотда амал қилувчи техника хавфсизлиги қоидаларига риоя қилиши шарт.

35. Қонунчиликка мувофиқ эксперт экспертизанинг холислиги, сифати ва ўз вақтида ўтказилишига ҳамда экспертиза далолатномаси, эксперт хулосаси ва сертификатнинг лозим даражада расмийлаштирилишига жавобгардир.

Эксперт ишлаб чиқаришни экспертиза қилиш жараёнида тижорат сири сақланишини таъминлаши шарт.

36. Товарни сертификатлаш учун тақдим этилган маълумотларнинг ишончлиги ҳамда қонунчилик ҳужжатларига мувофиқ юзага келиши мумкин бўлган оқибатлар учун ариза берувчи жавобгардир.

37. Сертификат расмийлаштирилгандан сўнг ариза берувчи томонидан берилган маълумотлар ишончсиз эканлиги аниқланган ҳолларда, ваколатли орган берилган сертификатларни бекор қилиши мумкин.

Шунингдек, фуқаролар, жамоатчилик вакиллари, давлат буюртмачилари, рақобатчи-етказиб берувчилар ва давлат органларида маҳаллий ишлаб чиқарилган товар тўғрисидаги сертификатда кўрсатилган миқдор ва маълумотлар бўйича шубҳа туғилган тақдирда, улар маълумотларнинг ишончлилигини текшириш юзасидан ваколатли органга муурожаат қилиш ҳуқуқига эга.

Муурожаат ваколатли орган, Ўзбекистон Республикаси Савдо-саноат палатаси, тегишли тармоқ ва ҳудудий бошқарув органи ходимлари иштирокида ишчи гуруҳ ташкил қилган ҳолда, **беш иш куни** давомида ишлаб чиқариш жойига чиққан ҳолда ўрганилади.

Ўрганишлар натижасида:

амалда товарнинг маҳаллийлаштириш даражаси 30 фоиздан камлиги, била туриб ҳақиқатга тўғри келмайдиган ёлғон маълумотлар хабар қилиниши ёки ишлаб чиқариши кўзда тутилган товарларни четдан олиб келиб, ўз маҳсулоти сифатида сотиш ҳолатлари аниқланганда, ваколатли органга маҳаллий ишлаб чиқарилган товар тўғрисидаги сертификатни бекор қилиш, маҳаллий ишлаб чиқарувчилар реестридан чиқариш юзасидан;

амалда товарнинг маҳаллийлаштириш даражаси 30 фоиздан кўп, лекин сертификатда кўрсатилган миқдордан пастлиги ёки ишлаб чиқариш қувватлари ва бошқа параметрларнинг сертификатда кўрсатилган миқдордан пастлиги аниқланса ваколатли органга берилган маҳаллий ишлаб чиқарилган товар тўғрисидаги сертификатни вақтинча тўхтатиб туриш юзасидан таклифлар киритилади.

38. Ариза берувчи экспертиза ўтказиш ва экспертга ишлаб чиқариш жараёни билан тўлиқ танишиши учун зарур шароитларни яратиб бериши шарт.

39. Маҳаллий ишлаб чиқарилган товар тўғрисидаги эксперт хулосасини тасдиқловчи ҳужжатларнинг нусхалари экспертиза далолатномаси билан бирга сертификатнинг амал қилиш муддати тугагандан кейин уч йилдан кам бўлмаган муддат давомида архивда сақланади.

40. Мазкур Низом талабларининг бузилишида айбдор бўлган шахслар қонунчилик ҳужжатларига мувофиқ жавобгар бўладилар.

41. Сертификат олишда тадбиркорлик субъектлари ва ваколатли орган ўртасида маҳаллийлаштириш даражасини ҳисоблаш ёки етарли ишлаб чиқаришни белгилашда низоли масалалар суд тартибида ҳал қилинади.

Маҳаллий ишлаб чиқарилган товарларни
аниқлаш тартиби тўғрисидаги низомга
1-илова

**Маҳаллий ишлаб чиқарувчини аниқлаш
бўйича экспертиза ўтказиш ва сертификат бериш
СХЕМАСИ**

Босқичлар	Субъект	Харакат	Муддати
1-босқич	Ариза берувчи – ишлаб чиқарувчи (корхона)	Электрон кўринишда тегишли хужжатларини илова қилган ҳолда ариза топширади.	Ариза берувчининг хоҳишига кўра
2-босқич	“Ўзбекэкспертиза” АЖ (ваколатли орган)	Тақдим қилинган хужжатларни ўрганиб чиқади ва ишлаб чиқариш жойига бориб экспертиза ўтказади; экспертиза далолатномасини (агар экспертиза натижаси салбий бўлган ҳолларда эксперт хулосасини) расмийлаштиради. <i>(Тўлиқ ҳажмда тақдим этилмаган хужжатлар кўриб чиқилмайди ва уч иш куни мобайнида рад жавоби беради. Кўрсатилган камчиликлар бартараф этилгандан сўнг аризани қайта топшириши мумкин).</i>	Тўрт иш куни мобайнида
3-босқич	Ваколатли орган	Маҳаллий ишлаб чиқарилган товар тўғрисидаги сертификатни беради: Сертификатни электрон маълумотлар базасига киритади.	Бир иш куни мобайнида

Маҳаллий ишлаб чиқарилган товарларни
аниқлаш тартиби тўғрисидаги низомга
2-илова

**Маҳаллий ишлаб чиқарилган товар тўғрисида
сертификат олиш учун
АРИЗА**

Ариза берувчининг номи (юримдик шахс — ташкилот номи)								
Юримдик манзили								
КТУТ, СТИР, ИФУТ коди								
Телефон ва телефакс рақами								
Банк реквизитлари								
Ариза берилаётган товар номи ва маҳаллийлаштириш даражаси *								
1-товар номи – маҳаллийлаштириш даражаси (фоизда)								
2-товар номи – маҳаллийлаштириш даражаси (фоизда)								
...-товар номи – маҳаллийлаштириш даражаси (фоизда)								
Ариза берилаётган товарнинг ТИФ ТН бўйича коди								
Ишлаб чиқариш манзили								
Ишлаб чиқариш объектининг хусусий ёки ижарага берилганлиги эканлиги ҳақида маълумот								
Бевосита ишлаб чиқаришда банд ходимлар сони								
Ишлаб чиқаришда фойдаланиладиган асбоб-ускуналар хусусий ёки ижарага берилганлиги ҳақида маълумот								
Товарни ишлаб чиқаришда фойдаланилган хомашё ва материаллар ҳақидаги маълумот ҳамда уларнинг қиймати алоҳида кўрсатилган ҳолда товар бирлиги нарх ҳисоб-китоби (калькуляцияси)**								
Номи	ТИФ ТН коди	Ўлчов бирлиги	Микдор и	Нархи (минг сўм)	Жами нархи (минг сўм)	Ишлаб чиқариш харажат- ларидаги улуши	Етказиб берувчи	Хомашё, бутловчи қисмларни кирим қилинганини тасдиқловчи хужжатлар (БЮД, шартнома, ҳисоб- фактуралар)
Импорт хомашё, бутловчи қисмлар, шу жумладан:								
Импорт								
Жами импорт								

	Маҳаллий хом-ашё, бутловчи қисмлар , шу жумладан:							
Маҳаллий								
Жами маҳаллий								
Жами хомашё, бутловчи қисмлар								
Бошқа харажатлар								
Ишлаб чиқариш таннари								
Бир бирлик товарнинг ишлаб чиқариш таннари								
Бир бирлик товарни сотиш нархи								
Ишлаб чиқариш харажатлари								
<i>иш ҳақи</i>								
<i>ижтимоий тўловлар</i>								
<i>амортизация</i>								
<i>коммунал тўловлар</i>								
<i>Бошқа тўловлар</i>								
Жами ишлаб чиқариш харажатлари								
Ишлаб чиқариш таннари								
Бир бирлик учун сотиш (франко-завод) нархи								
Корхонанинг ишлаб чиқариш қувватлари ҳақида маълумот								
						Микдори	Ўлчов бирлиги	
Йиллик ишлаб чиқариш қуввати								
Ойлик ишлаб чиқариш қуввати								
Кунлик ишлаб чиқариш қуввати								
Ишлаб турган сменалар сони								
Смена давомийлиги								

товарни ишлаб чиқариш технологик жараёнининг асосий операцияларини ўз ичига олган технологик жараённинг тавсифи хақида маълумот	
---	--

** Бир нечта товар тури бўйича ариза топширилганда алоҳида қўшимча қаторларда товарлар тури кўрсатилади.*

*** Бир нечта товар тури бўйича ариза топширилганда, товарни ишлаб чиқариш таннархи калькуляцияси ҳар бир товарлар тури бўйича алоҳида кўрсатилади.*

Изоҳ. Ариза раҳбарнинг электрон рақамли имзоси билан имзоланади ва ҳоҳишига кўра қўшимча ҳужжатлар илова қилиниши мумкин.

Баъзи жавоблар учун жой етарли бўлмаган ёки кўриб чиқиладиган масалани ҳал этиш билан боғлиқ бирор-бир ўзига хос жиҳат ҳисобга олинмаган тақдирда, қўшимча варақларни илова қилинг.

Ташкилот раҳбари

(Ф.И.О.)

(имзо)

Бош бухгалтер:
(агар мавжуд бўлса)

имзо

(Ф.И.О.)

“ЎЗБЕКЭКСПЕРТИЗА” АКЦИЯДОРЛИК ЖАМИЯТИ
(ваколатли орган манзили)

_____ -сон ЭКСПЕРТИЗА ДАЛОЛАТНОМАСИ

1. Тузилган сана: _____
2. Тузилган жойи: _____
3. Далолатнома тузувчи эксперт: _____
4. Экспертиза: _____
(корхона номи, корхона раҳбари (вакили) фамилияси, исми, отасининг исми)

_____ иштирокида ўтказилди.

5. Ишлаб чиқарувчи (охирги қайта ишловчи): _____
6. Товар номи: _____

7. Экспертиза мақсади – товарнинг маҳаллий корхоналар томонидан ишлаб чиқарилганлигини аниқлаш: _____

8. Тақдим этилган ҳужжатлар (хомашё, материаллар, ярим тайёр маҳсулотлар ҳақида маълумотлар ва уларнинг олинганлигини тасдиқловчи ҳужжатлар): _____

9. Экспертиза натижасида аниқланди: _____

Эксперт: _____
(имзо)

Вакил: _____
(имзо)

10. Эксперт хулосаси: юқорида кўрсатилганлар асосида маҳсулотнинг ҳақиқатдан Ўзбекистон Республикаси маҳаллий корхоналари томонидан ишлаб чиқарилганлиги тасдиқланди.

ТИФ ТН бўйича маҳсулот коди: _____

Келиб чиқиш мезони: _____

Экспертиза бошланиши: _____
(сана)

Экспертиза якуни: _____
(сана)

Эксперт: _____
(имзо)

М.Ў.

Далолатнома 20__ йил “__” _____ да рўйхатга олинди.

“ЎЗБЕКЭКСПЕРТИЗА” АКЦИЯДОРЛИК ЖАМИЯТИ

(ваколатли орган манзили)

20__ йил “__” _____ даги __ - _____ -сон

ЭКСПЕРТ ХУЛОСАСИ

1. Экспертиза буюртмачиси: _____
2. Эксперт: _____
3. Экспертиза мақсади: _____
4. Такдим этилган ҳужжатлар (хомашё, материаллар, ярим тайёр маҳсулотлар ҳақида маълумотлар ва уларнинг олинганлигини тасдиқловчи ҳужжатлар): _____

5. Экспертиза (ўрганиш) натижаси: _____

Эксперт: _____
(имзо)

(QR-код)

Берилган сана: _____

“ЎЗБЕКЭКСПЕРТИЗА” АКЦИЯ ДОРЛИК ЖАМИЯТИ

**Маҳаллий ишлаб чиқарилган товар тўғрисидаги
СЕРТИФИКАТ**

_____-сон

1. Ариза берувчи корхона (ишлаб чиқарувчи): _____

2. Эксперт: _____

Корхонанинг СТИРИ: _____

4. Корхона юридик манзили: _____

5. Ишлаб чиқариш жойлашган жой: _____

6. Сертификатланаётган товарнинг маҳаллийлаштириш даражаси ____ фоиз.

7. Сертификатланаётган маҳсулотнинг номи: _____

8. Ишлаб чиқариш қуввати (бир йилга): _____

9. Сертификатланаётган маҳсулотнинг 10 та рақамдан иборат ТИФ ТН коди: _____

Сертификат берган органнинг ваколатли шахси: _____
(Ф И О.)

(QR-код)

Сертификат берилган сана: _____

*Сертификат берилган санадан бошлаб 1 (бир) йил давомида амал қилади.
Сертификат берган ваколатли органнинг таркибий бўлинмаси
(унинг манзили)*

Электрон кооперация портали ҳамда давлат харидлари электрон тизимлари операторларининг “Миллий дўкон” саҳифаларида маҳаллий ишлаб чиқарилган товар тўғрисидаги сертификат асосида маҳсулотларни жойлаштириш ва савдоларда фақат ушбу сертификатга эга тадбиркорлик субъектларининг иштирок этилишининг бошланиш муддатлари

Т/р	Тармоқлар кесимида	Маҳсулотлар ТИФ ТН кодлари	Савдоларда иштирок этишга рухсат бериш тизимининг бошланиш муддатлари
1.	Электротехника саноати маҳсулотлари	7408, 7411, 7412, 7413, 8401-8549; 9028; 9032; 9405	2025 йил 1 февралдан
2.	Кимё саноати маҳсулотлари	2701-3105, 3301-3813, 3817-3823, 3825-3827, 3901-3915, 4001-4017	
3.	Қурилиш материаллари	2505-2530; 3204-3214; 3814-3816; 3824; 3916-3926; 4403-4420; 6801-6907; 7208-7229; 7303-7326; 7604; 7606-7610; 8301-8302; 8311; 8544; 9406	2025 йил 1 апрелдан
4.	Заргарлик саноати маҳсулотлари	7101-7118	
5.	Чарм саноати маҳсулотлари	4201-4206; 4301-4304; 6401-6406	2025 йил 1 июндан
6.	Тўқимачилик саноати маҳсулотлари	5201-6507	
7.	Озиқ-овқат маҳсулотлари	0201-0408; 0901-1109; 1601-2209	2025 йил 1 августдан
8.	Ёғ-мой саноати маҳсулотлари	1501-1522; 3401	
9.	Ипак саноати маҳсулотлари	5001-5007	
10.	Бошқалар		2025 йил 1 сентябрдан

Вазирлар Маҳкамасининг “Инвестициялар ва ташқи савдо вазирлиги ҳузуридаги Рақамли трансформация марказининг электрон кооперация порталида ахборотни жойлаштириш ва харидларини амалга ошириш тартибини тасдиқлаш тўғрисида” 2019 йил 30 сентябрдаги 833-сон қарорига киритилаётган ўзгартириш ва қўшимчалар

1. Номи қуйидаги таҳрирда баён этилсин:

“Рақамли трансформация маркази” масъулияти чекланган жамиятининг электрон кооперация порталида ахборотни жойлаштириш ва харидларни амалга ошириш тартибини тасдиқлаш тўғрисида”.

2. 1-банддаги “Инвестициялар ва ташқи савдо вазирлиги ҳузуридаги Рақамли трансформация марказининг” сўзлари “Рақамли трансформация маркази” масъулияти чекланган жамиятининг (кейинги ўринларда – Рақамли трансформация маркази)” сўзлари билан алмаштирилсин.

3. 2-банддаги “Инвестициялар ва ташқи савдо вазирлиги ҳузуридаги” сўзлари чиқариб ташлансин.

4. 3-бандда:

иккинчи хатбоши чиқариб ташлансин;

учинчи хатбоши иккинчи хатбоши деб ҳисоблансин;

учинчи хатбошидаги “Инвестициялар ва ташқи савдо вазирлиги ҳузуридаги” сўзлари чиқариб ташлансин.

5. 4-банднинг биринчи хатбошисидаги “Ўзбекистон Республикаси Инвестициялар ва ташқи савдо вазирлигига” сўзлари “Рақамли трансформация марказига” сўзлари билан алмаштирилсин.

6. 5-банддаги “Молия вазирлиги” сўзлари “Иқтисодиёт ва молия вазирлиги” сўзлари билан алмаштирилсин.

7. 6-банднинг биринчи хатбошиси, 8 ва 10-бандлардаги “Инвестициялар ва ташқи савдо вазирлиги” сўзлари “Инвестициялар, саноат ва савдо вазирлиги” сўзлари билан алмаштирилсин.

8. 1-иловада:

а) номи қуйидаги таҳрирда баён этилсин:

“Рақамли трансформация маркази” масъулияти чекланган жамиятининг электрон кооперация порталида ахборотни жойлаштириш ва харидларни амалга ошириш тартиби тўғрисидаги низом”;

б) 1-банддаги “Инвестициялар ва ташқи савдо вазирлиги ҳузуридаги Рақамли трансформация марказининг” сўзлари “Рақамли трансформация маркази” масъулияти чекланган жамиятининг (кейинги ўринларда – Рақамли трансформация маркази)” сўзлари билан алмаштирилсин;

в) 2-банднинг еттинчи хатбошиси қуйидаги таҳрирда баён этилсин:

“рақамли экотизим оператори – Рақамли трансформация маркази”;

г) 3-бандда:

биринчи хатбошидаги “Инвестициялар ва ташқи савдо вазирлиги ҳузуридаги” сўзлари чиқариб ташлансин;

иккинчи хатбошидаги “Инвестициялар ва ташқи савдо вазирлиги Ахборот технологиялари ва коммуникацияларини ривожлантириш вазирлиги” сўзлари “Рақамли трансформация маркази Рақамли технологиялар вазирлиги” сўзлари билан алмаштирилсин;

д) 5-банд қуйидаги мазмундаги хатбоши билан тўлдирилсин:

“Бунда Вазирлар Маҳкамасининг “Маҳаллий ишлаб чиқарилган товарларни аниқлаш тартиби тўғрисидаги низомни тасдиқлаш ҳақида” 2024 йил 28 октябрдаги ПҚ–712-сон қарорига 2-иловада белгиланган муддатлардан сўнг маҳаллий ишлаб чиқарувчилар маҳаллий ишлаб чиқарилган товар тўғрисидаги сертификат асосида аниқланади”;

е) 6-банднинг тўққизинчи хатбошисидаги “Инвестициялар ва ташқи савдо вазирлиги, Давлат статистика қўмитаси” сўзлари “Инвестициялар, саноат ва савдо вазирлиги, Ўзбекистон Республикаси Президенти ҳузуридаги Статистика агентлиги” сўзлари билан алмаштирилсин;

ж) 7-бандда:

иккинчи хатбоши қуйидаги таҳрирда баён этилсин:

“Бунда маҳаллийлаштириш даражаси Вазирлар Маҳкамасининг 2024 йил 28 октябрдаги ПҚ–712-сон қарори билан тасдиқланган Маҳаллий ишлаб чиқарилган товарларни аниқлаш тартиби тўғрисидаги низомнинг 6-бандига мувофиқ аниқланади”;

еттинчи хатбоши қуйидаги таҳрирда баён этилсин:

“Инсофсиз ижрочиларнинг ягона реестрига киритилган етказиб берувчилар ҳамда маҳаллий ишлаб чиқарилган товар тўғрисидаги сертификати бекор қилинган маҳсулот автоматик равишда Порталдан чиқарилади”;

з) 11-бандда:

иккинчи хатбошидаги “Иқтисодий тараққиёт ва камбағалликни қисқартириш вазирлиги, Давлат статистика қўмитаси” сўзлари “Иқтисодиёт ва молия вазирлиги, Ўзбекистон Республикаси Президенти ҳузуридаги Статистика агентлиги” сўзлари билан алмаштирилсин;

учинчи хатбошидаги “Давлат статистика қўмитаси ва Давлат божхона қўмитаси” сўзлари “Ўзбекистон Республикаси Президенти ҳузуридаги Статистика агентлиги ва Божхона қўмитаси” сўзлари билан алмаштирилсин;

бешинчи хатбошидаги “Инвестициялар ва ташқи савдо вазирлиги” сўзлари “Инвестициялар, саноат ва савдо вазирлиги” сўзлари билан алмаштирилсин;

олтинчи хатбошидаги “Давлат солиқ қўмитаси ҳамда Инвестициялар ва ташқи савдо вазирлиги ҳузуридаги” сўзлари “Солиқ қўмитаси ҳамда” сўзлари билан алмаштирилсин;

и) 13-банддаги “Инвестициялар ва ташқи савдо вазирлиги” сўзлари “Инвестициялар, саноат ва савдо вазирлиги” сўзлари билан алмаштирилсин;

к) 15 ва 20-бандлардаги “Молия вазирлиги” сўзлари “Иқтисодиёт ва молия вазирлиги” сўзлари билан алмаштирилсин;

л) 29-банднинг бешинчи хатбошидаги “Молия вазирлигининг” сўзлари “Иқтисодиёт ва молия вазирлигининг” сўзлари билан алмаштирилсин;

м) Низомга 1-илова қуйидаги таҳрирда баён этилсин:

““Рақамли трансформация маркази” масъулияти чекланган жамиятининг электрон кооперация порталида ахборотни жойлаштириш ва харидларни амалга ошириш тартиби тўғрисида низомга 1-илова

“Рақамли трансформация маркази” масъулияти чекланган жамиятининг электрон кооперация портали фаолиятини такомиллаштиришни ташкил этиш

СХЕМАСИ

Босқичлар	Ижрочилар	Амалга ошириладиган чора-тадбирлар	Муддатлар
1-босқич	Инвестициялар, саноат ва савдо вазирлиги, Иқтисодиёт ва молия вазирлиги, Божхона қўмитаси, Ўзбекистон Республикаси Президенти ҳузуридаги Статистика агентлиги, Ўзбекистон техник жиҳатдан тартибга солиш агентлиги	Мамлакатда ишлаб чиқарилаётган саноат маҳсулотлари (ишлар, хизматлар) турлари, ҳажми, техник тавсифлари, сифат кўрсаткичлари тўғрисидаги маълумотларни; импорт қилинаётган ва экспортга йўналтирилаётган маҳсулотлар турлари ва ҳажми тўғрисидаги маълумотларни; талаб юқори бўлган ва ўзлаштирилиши тавсия этилган импорт ўрнини босувчи маҳсулотлар рўйхатини Электрон кооперация порталига жойлаштирилади.	Ҳар чоракда
2-босқич	Рақамли трансформация маркази, Рақамли технологиялар вазирлиги	Буюртмачи ва ишлаб чиқарувчилар ўртасида эркин рақобат ва нарх шаффофлиги тамойиллари асосида масофадан туриб шартнома тузиш	Доимий равишда

		имкониятига эга электрон тижорат платформасини такомиллаштириш ва доимий ишлашини таъминланади.	
3-босқич	Иқтисодиёт ва молия вазирлиги, давлат буюртмачилари	Келгуси давр учун давлат харидларининг режа-жадваллари ва давлат харидларининг ўтган йилдаги амалдаги ҳажми, шу жумладан, импорт товарлари хариди тўғрисидаги маълумотларни Электрон кооперация порталига жойлаштиради.	Ҳисобот даври якуни бўйича
4-босқич	Инвестициялар, саноат ва савдо вазирлиги, Ўзбекистон Республикаси Президенти ҳузуридаги Статистика агентлиги, Савдо-саноат палатаси, Ўзбекистон техник жиҳатдан тартибга солиш агентлигининг ҳудудий бўлинмалари	Республикада ишлаб чиқарилаётган саноат маҳсулотларининг ҳажми ва техник параметрлари ҳақидаги маълумотлар тўғри ва ҳаққоний киритилишини таъминлайди ва уни ўз вақтида янгилаб боради.	Доимий равишда
5-босқич	Ишлаб чиқаришни маҳаллийлаштириш ва саноатда кооперация алоқаларини кенгайтириш масалалари бўйича ҳокимларнинг ёрдамчилари, Инвестициялар, саноат ва савдо вазирлиги, Ўзбекистон Республикаси Президенти ҳузуридаги Статистика агентлиги, Савдо-саноат палатаси, Ўзбекистон техник жиҳатдан тартибга солиш агентлигининг ҳудудий бўлинмалари	Амалдаги статистика ҳисоботларида белгиланган тартибга мувофиқ саноат маҳсулотлари ишлаб чиқариш кўрсаткичлари қайд этилмаган маҳаллий ишлаб чиқарувчиларни аниқлайди.	Доимий равишда

6-босқич	Солиқ қўмитаси, Рақамли трансформация маркази	Электрон кооперация портали орқали тузилган шартномалар юзасидан етказиб берувчи томонидан маҳсулот етказилганлиги тўғрисида юборилган ва тасдиқланган электрон ҳисоб-фактуралар тўғрисидаги маълумотларни Электрон кооперация порталига тақдим этади.	Доимий равишда
7-босқич	Иқтисодиёт ва молия вазирлиги	Бюджет буюртмачилари томонидан шартнома асосида товарлар (ишлар, хизматлар) етказиб берилганлиги ҳақидаги ахборотни ДМБАТ олгандан сўнг ушбу маълумотларни маълумотлар базаларининг электрон алмашинуви орқали Электрон кооперация порталига юборади.	Доимий равишда, бир банк иш куни мобайнида
8-босқич	Рақамли трансформация маркази, Иқтисодиёт ва молия вазирлиги, Адлия вазирлиги, Рақамли технологиялар вазирлиги, Божхона қўмитаси, Ўзбекистон Республикаси Президенти ҳузуридаги Статистика агентлиги	Электрон кооперация порталини такомиллаштириш ҳамда статистика, бојхона, сертификатлаштириш, солиқ, молия органлари маълумотлар базаси билан интеграция қилади.	Доимий равишда

”;

н) Низомга 2-иловада:

илова белгисидаги “Инвестициялар ва ташқи савдо вазирлиги ҳузуридаги Рақамли трансформация марказининг” сўзлари ““Рақамли трансформация маркази” масъулияти чекланган жамиятининг” сўзлари билан алмаштирилсин;

1 ва 2-жадваллар қуйидаги таҳрирда баён этилсин:

“1-жадвал

**Саноат маҳсулотлари ишлаб чиқариш тўғрисида
МАЪЛУМОТ**

Маҳсулот номи ва техник параметрлар	Техник регламент, стандарт	ТИФ ТН коди	Маҳсулотларнинг (товарлар, ишлар, хизматларнинг) статистик таснифлагич коди	Маҳаллий ишлаб чиқарилган товар тўғрисидаги сертификат рақами	Юридик шахснинг номи ва жойлашган жойи (почта манзили)	Телефон рақами

**Саноат маҳсулотлари ишлаб чиқариш ҳажми тўғрисида
МАЪЛУМОТ***

Маҳсулот номи ва техник параметрлар	Техник регламент, стандарт	Маҳсулотларнинг (товарлар, ишлар, хизматларнинг) статистик таснифлагич коди	Маҳаллий ишлаб чиқарилган товар тўғрисидаги сертификат рақами	Ўлчов бирлиги	Ишлаб чиқариш ҳажми		Ўртача йиллик ишлаб чиқариш қуввати
					миқдори	ҳажми, минг сўм	

**) Маълумотлар ҳар ой якунига кўра йирик ташкилотлар бўйича ва йил якунига кўра барча саноат маҳсулотларини ишлаб чиқарувчи ташкилотлар бўйича янгиланиб борилади”.*

9. 2-иловининг матни қуйидаги таҳрирда баён этилсин:

**“Мунтазам ўтказиладиган саноат ярмаркаларида республикада ишлаб чиқарилган тайёр маҳсулотлар, бутловчи буюмлар, хомашё ва материалларни харид қилиш бўйича буюртмачи сифатида иштирок этувчилар
РЎЙХАТИ**

Т/р	Буюртмачилар гуруҳи	Буюртмачиларни саноат ярмаркаси ва кооперация биржасида қатнашишини таъминлашга масъул вазирлик, идора ва хўжалик бирлашмалари
1.	Нефть, газ, кимё ва энергетика саноати ташкилотлари	Энергетика вазирлиги, “Ўзкимёсаноат” АЖ
2.	Соғлиқни сақлаш муассасалари	Соғлиқни сақлаш вазирлиги
3.	Мактабгача ва мактаб таълими муассасалари	Мактабгача ва мактаб таълими вазирлиги
4.	Олий ва ўрта махсус таълим муассасалари	Олий таълим, фан ва инновациялар вазирлиги
5.	Транспорт ташкилотлари	Транспорт вазирлиги
6.	Қурилиш, архитектура ва лойиҳалаштириш, шунингдек, иссиқлик таъминоти, ичимлик суви таъминоти, канализация ва таъмирлаш-тиклаш ташкилотлари	Қурилиш ва уй-жой коммунал хўжалиги вазирлиги
7.	Ирригация-мелеорация тизими ташкилотлари	Сув хўжалиги вазирлиги
8.	Ахборот технологиялари ва коммуникациялари ташкилотлари	Рақамли технологиялар вазирлиги
9.	Муסיқа ва санъат мактаблари, маданият муассасалари	Маданият вазирлиги
10.	Маҳсулотларни импорт қилувчи маҳаллий ташкилотлар	Божхона қўмитаси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари

11.	Тоғ-кон ва металлургия саноати ташкилотлари	“Навоий КМК” АЖ
		“Олмалиқ КМК” АЖ
		“Ўзбекистон металлургия комбинати” АЖ
12.	Автомобилсозлик саноати ва қишлоқ хўжалиги техникаси ташкилотлари	“Ўзавтосаноат” АЖ
13.	Бошқа ташкилотлар ва саноат ташкилотлари	Ўзбекистон Савдо-саноат палатаси, Иқтисодиёт ва молия вазилиги, Инвестициялар, саноат ва савдо вазирлиги

